

隨州志卷二十一

名宦

酬朱邑於桐鄉封卓茂於密縣讀兩漢循吏傳至今猶深景仰之思焉隨自郡縣以來代著循良茲卽其勲猷懋著遺愛不忘者采葺行誼彙爲列傳以爲後之官斯土者勸

漢

侯霸字君房河南密人也成帝時爲太子舍人矜嚴有威容篤志好學師事九江太守房元治穀梁春秋爲元都

隨州志

卷二十一 名宦

三

講王莽初五威司命陳崇舉霸德行遷隨宰

王莽改縣令長曰宰

縣界曠遠濱帶江湖而亡命者多爲寇盜霸到卽案誅豪猾分捕山賊縣中清靜再遷爲執法刺姦後爲淮平大尹建武四年光武徵拜尙書令爲大司徒薨追封謚則鄉哀侯

後漢書本傳

宋

柳元景字孝仁河東解人也少便弓馬雍州刺史劉道產愛其能道產死羣蠻大爲寇暴以元景爲廣威將軍隨郡太守旣至蠻斷驛道欲來攻郡元景設方畧得六七

百人分五百人屯驛道或曰蠻將逼城不宜分眾元景曰蠻聞郡遣重兵豈悟城內兵少且表裏合攻於計爲長會蠻垂至乃使驛道爲備潛出其後戒曰火舉馳進前後俱發蠻眾驚擾投湏水死者千餘人斬獲數百郡境肅然無寇抄又副沈慶之征鄖山從均水出進克大陽除世祖安北府中兵叅軍節錄宋史本傳

宗慤字元幹南陽人也元嘉中爲隨郡太守雍州蠻屢爲寇慤及柳元景等諸將分道攻之從新安道羣蠻大潰孝武卽位爲左衛將軍歷雍州刺史卒諡肅侯節錄本傳

隨州志

卷二十一 名宦

三

南齊

蕭敷高祖次兄字仲達齊太子中舍人除建威將軍隨郡內史招懷遠近黎庶安之以爲前後之政莫及也進號寧朔將軍梁書永陽嗣王傳

後魏

權景宣字暉遠天水顯親人也與楊忠取梁將柳仲禮拔安陸隨郡久之隨州城民吳士英等殺刺史黃道玉因聚爲寇景宣以英等小賊可以計取之若聲其罪恐同惡者眾迺與英書僞稱道玉凶暴歸功英等英果信之

遂相率而至景宣執而戮之散其黨與進攻應城拔之於是應禮安隨并平朝議以景宣威行南服迺授并安肆郢新應六州諸軍事并州刺史唐州蠻田魯嘉自號豫州伯引致齊兵大爲民患景宣又破之以其地爲郡轉安州刺史

節錄周書本傳

後周

皇甫璠字景瑜安定三水人也性和平奉法安分恒以清白自處當時號爲善人建德三年授隨州刺史政存簡惠百姓安之其年增邑并前二千戶六年卒於位贈交

隨州志

卷二十一 名宦

三

渭二州刺史諡曰恭

節錄周書本傳

隋

辛彥之狄道人博涉經史除太常少卿拜隨州刺史於時州牧多貢珍玩唯彥之所貢并供祭之物高祖善之顧謂朝臣曰人安得無學彥之所貢稽古之力也遷洛州刺史前後俱有惠政卒官諡曰宣

清書儒林傳

唐

李惠登營州柳城人爲平盧裨將安祿山亂從董秦畧定滄棣輕兵遠鬪賊不能支史思明反惠登走山南依來

瑱表試金吾衛將軍李希烈反屬以兵二千使屯隨州  
惠登挈州以歸卽以爲刺史州數被亂一如燕人無業  
處惠登雖樸素無學術而視人所謂利者行之所謂害  
者去之率心所安暗與道合政清靜居二十年田畝闢  
戶口日增人歌舞之於是節度使于頔狀其績詔加御  
史大夫升隋爲上州俄檢校國子祭酒卒贈洪州都督  
新唐書循吏傳

李程字表臣襄邑恭王五世孫元和三年出爲隨州刺史  
以能政賜紫金服 本傳

隨州志

卷二十一 名宦

三四

令狐緒華原人尙書左僕射楚子也以蔭仕歷隋汝壽三  
州刺史有佳政 令狐楚傳

李去惑隋縣令死王仙芝難贈隨州刺史 宗室世裔表

宋

王全斌太原人乾德二年王師伐蜀全斌入城都有訴全  
斌奪民子女玉帛不法等事遂召還上因初立大功不  
下之獄但令中書問狀具伏因建隨州爲崇義軍責授  
全斌觀察留後開寶末郊恩召入侍祠 本傳

石守信浚儀人太平興國四年從征范陽督前軍失律降

崇信軍節度 本傳

趙昌言字仲謨孝義人知天雄軍遷工部侍郎坐翟馬周上書貶崇信軍行軍司馬 本傳

楊覃字申錫錢塘人爲陝西轉運使徙知隨州移唐州勤於吏事所至以幹濟稱且有廉名 本傳

狄棐字輔之長沙人知天雄軍給郊賞帛士卒譁譟降知隨州歷河南河中二府其爲政愷悌不爲表襮死之日家無餘貲 宋史本傳

歐陽日華廬陵人爲人嚴明方質尤以廉潔自持自爲布

隨州志

卷二十一

名宦

三五

衣非其義不輒受人之遺而所與親舊後或貴盛終身不造其門其莅官臨事長於決斷初爲隨州推官治獄之難決者三十六大洪山奇峯寺聚僧數百轉運使疑其積物多而僧爲姦利命公徃籍之僧以白金千兩餽公公笑曰吾安用此然汝能聽我言乎今歲大凶汝有積穀六七萬石能盡輸官而賑民則吾不籍汝僧喜曰諾饑民賴以全活 歐陽文忠公集

李孝基字伯始其先趙人徙濮州李迪孫也進士高第唱名仁宗稱爲能世其家素性冲澹晏殊富弼薦任館事

欲令一見孝基辭不往歷知汝陰雍邱通判閬州守隨  
州事來卽斷不爲政佐回枉甫日中庭已空矣或問之  
曰無他省事耳俄養親改監崇福宮 李迪傳

范純仁字堯夫吳縣人明堂肆赦章惇言竄嶺數十人當

終身勿徙純仁聞之憂憤欲爲申理疏奏大防等年老

疾病炎荒非久處之地惇詆與同罪落職知隨州 本傳求

民間利病而興革之勵學校益爲條教日有課月有最

出入起居動循法度由是隨多學者卒贈開府儀同三

司謚忠宣 舊志

隨州志

卷二十一

名宦

三

李道字行之光宗后父桑仲奏除武義郎副都統制兼知

隨州進閣門宣贊舍人後霍明殺仲道與統制李橫率

兵縞素圍明於郢州明亡去劉豫遣人持書來招道不

從執其使以聞詔嘉獎之豫怒遣使穆楷攻道復拒破

之除鄧隨鎮撫使兼知鄧州會李橫已命別將守鄧道

不敢進仍知隨州 外戚傳

岳飛字鵬舉相州安陽人紹興四年僞齊李成挾金人大

入襄鄧隨郢飛奏襄陽六郡爲恢復中原根本遂除荆

南岳鄂黃復漢陽德安諸路制置使復郢州遣張憲徐

慶復隨州州將王嵩不戰而遁因奏襄陽隨郢地皆膏腴苟行營田其利自厚明年入覲授鎮甯崇信兩軍節度進封武昌郡侯隨郢六郡闕牛糧者給以官錢參錄宋元通鑑及舊志

趙方字彥直衡山人淳熙初登進士調蒲圻尉授青陽令告其守曰催科不擾是催科中撫字刑罰無差是刑罰中教化人謂名言京湖帥李大性辟知隨州蝗旱相仍禱雨輒應後知襄陽府金將完顏賽不犯隨州棗陽諸將許國劉世興李琪張威犄角追逐金人遂潰孟宗政

隨州志

卷二十一

名宦

三

又破之於隨州鴨兒山擒賽不妻弟王醜漢節錄本傳

吳柔勝字勝之盩厔人從大父講伊洛書知主敬之學不妄言笑人憚其方嚴登進士調都昌簿屢遷太學博士司農丞出知隨州時戒邊隙民有梁臯者與北人爭盜馬下獄爲破其械具報始末爭論遂止收孟宗政扈再興隸帳下築隨及棗陽城招募得千人曰忠勇廩以總所闕額營柵器械悉備除西涼提刑領州如故改湖北運判兼知鄂州歲歉乞糴於湖全活十五州被災之民不可勝計改知太平除秘閣主管亳州明道宮卒謚正

蕭吳潛傳

趙彥衛知隨州力爭夏秋二稅所增麴酷錢得免有德於

民何文毅公考錄

唐宋以前名宦必確據史傳及有政績在隨者始立傳  
否則如唐李愬宋王德用呂大防皆卓然名臣第蒞隨  
未久無事可述不敢借以為重舊志何文毅公考定本  
州名宦所稱晉摯瞻高亮有氣節語折王敦逆謀貶內  
史唐周君巢有善政宋謝景平於忿不忤於欲不求文  
章政事邁於一時李禹卿順民宜俗富元術有清勁聲  
餽遺無所受方回賦詩為文天才傑出其人皆不見正  
史至五代晉陳思讓家無餘才漢董宗本有政聲王祚  
以漢法禁藏牛革令輦送京師遇暑雨多腐敗請頒鎧  
甲式於諸州令裁以輸民甚便之宋王顯以廉能稱本  
傳俱不載惜不自注所出祚事固有之非僅言隨州其  
見於史傳者後周雷德驥奉命均稅固有德於隨民然

隨州志

卷二十一

名宦

三

非本州官僚宋楊覃所至以幹濟稱狄棐為政愷悌不  
為表襮死之日家無餘貲楊暉清介謹畏固皆賢者而  
諸人歷官不一地所言皆概指終身未可據以為存隨  
時語至楊暉為郡待客果菜數器之語傳亦不載向綜  
歷知七州雖稱善於治劇其治績多在沂州何齋僅見  
姓譜未足為據且歷綜所述皆非在隨言隨劉長卿以  
詩著魏瓘政事嚴明盛陶悠然自得樓異有幹濟才程  
再暹戰洪山有功片言誌美未嘗詳叙在隨功績王超  
馬懷德張浚陳求道止叙官職且職係遙領故茲志寧  
核毋濫

元

林興祖字宗起羅源人至治二年進士隨州知州 舊志

考元史循吏傳興祖同知黃州遷知鉛山州南陽知府  
建德路同知俱未至任以道州路總管致仕不言守隨  
舊志載蒙谷子木軒頌云西山險阻除民斂聚之虛聲  
東野蕭條免戶交添之橫擾庶幾能撫恤殘黎不至偽



增戶口以邀賞者  
木軒與祖自號

明

杜智字仲才蕪湖人洪武中由鄉貢擢知隨州以不忍峻  
刑重徵例當謫成廷臣奏其治狀太祖嘉之詔乘傳復  
任 何文毅公考錄

陳莘橫州人永樂中知隨州咨訪利病期於必行公餘微  
服出從野老談舊政得失咸出至誠三年開田四百餘  
頃民受其利修學作士始終不倦 楚記

呂穉昆明人成化間山舉人知隨州嚴明廉慎言動不苟

隨州志

卷二十一 名宦

三

歲旱走禱四郊先發倉粟以賑貧乏躬自監視日不暇  
食歲四月民例納祇候錢穉曰苗禾未青而遽使稱貸  
以入錢是立槁也命緩之俟秋成併納於是民無催科  
之擾 湖廣通志

李充嗣

舊志作克嗣

字士修內江人進士由岳州通判遷知隨

州至則知民疾苦環城爲堤以禦水患又以水無蓄洩  
築堤塘興水利於是汙萊闢戶口盈逾年增至七千三  
百餘戶秋糧起運曹艘例僱民舟達漢吏緣爲姦乃造  
舟假民暇則聽受他載山谿遼濶易爲盜藪擇高曠處

設竊舖編民夫夜守有驚則鳴鉦相聞協力以禦之荆襄盜起募壯丁躬自操閱得一千三百人皆精練盜至擊之獲其魁餘散去相戒曰李老子不可犯也未幾擢陝西僉事去民德之生祠其主於尹公祠後累官南京兵部尚書卒諡康和補述

藍渠字志張不詳何處人由進士知隨州以忤中貴去民肖像祀之節錄顏木碑記

正統四年遷交趾歸附官民於隨土知州閉色新黃元懿同知黃鐸判官岑斗烈吏目譚廣深與流官同治州事民一百十九口給之世業不徵租庸

隨州志 卷二十一 名宦 罕

范欽字堯卿鄞縣人進士知隨州簿書訟牒悉手自緘識不使左右與知省里甲節浮派民困以甦三年遷工部員外郎去節錄顏木碑記

林梓字雲山不詳何處人其之任也適夏旱乃釋輕罪決滯獄平稱兌於是齊而禱至夜不敢息數日果大雨州人爲築後喜雨亭於南門外節錄後喜雨亭記

自明初至萬厯之末舊志備書何文毅公考錄但所稱仲端寬而能斷愛而能教鎮靜而能有爲孫銳性莊嚴才開敏曹達惠愚弱繩豪蠹任德有政聲張東熙嚴於繩惡風盜盡擒昌應時以興起人才爲已任周行清苦不曲事上官以誣去范德超有知人之明方揚風擅文名爲諸生講明書旨馬騰雲清介明察受誣囊無一錢

祝以幽平易近民在任五年未嘗斷一大辟李大謙聰  
明練達劉思原長厚峨書不輟黃靜存清靜廉儉皆語  
焉不詳未能據以成傳中惟杜智陳莘呂穉李充嗣藍  
渠范欽林梓數人事有可據餘則以辯為存前後附載  
視此其有修城修學諸  
功者即分見於各條下

王國治字修吾永昌舉人德安府同知攝隨州事擢宗人  
府經歷去

國朝人祀名宦祠 舊志

涂世延盱眙舉人崇正五年知隨州時秦豫騷動乃造器  
械募丁壯謹烽堠養客兵與士庶同甘苦賊知有備不  
敢近 補述

隨州志

卷二十一 名宦

四

張以謙安陸衛千戶分守隨州出山店崇正七年賊至以  
謙戰死 德安府志

王燾字濟仲崑山人萬曆末舉於鄉由教諭歷隨州知州  
州經羣盜焚掠戶不滿千燾訓民兵繕守具土寇李良  
喬為亂殲滅之崇正十年正月大賊奄至燾且戰且守  
擊斬三百餘人賊攻益力相持二十餘日天大風雪守  
者多散燾知必敗入署整冠帶自經賊焚其署火獨不  
及燾死所屍直立不仆賊望見駭走已覓州印得之燾  
所立尺土下州士民赴義從死千有餘人事聞贈太常

少卿賜諡烈愍

明史忠義傳

徐世溱字中明秀水人崇正中舉人十三年冬歷隨州知州州嘗被賊居民蕭然世溱知賊必復至集士民誓以死守會歲大荒士多就食粥厥嘆曰可使士以餒失禮乎分粟賑之潰兵過隨索餉世溱授兵登陴而單騎入見軍帥曰軍食不供有司罪也殺我足矣請械我以見督師帥氣奪歛眾去明年三月張獻忠自襄陽來犯世溱寢食南城譙樓曉夜固守告急於巡撫宋一鶴一鶴遣兵來援爲監司守承天者邀去月餘援絕力窮賊急

隨州志

卷二十一

名宦

四

攻南城而潛兵墮北城以入世溱命子肇梁埋印廨後勒馬巷戰矢貫頤耳鼻橫斷墜馬亂刃斫死肇梁奔赴且哭且罵賊將殺之呼州人告以埋印處乃死世溱妾趙氏王氏及臧獲十八人皆死後贈太僕少卿建祠以肇梁附

國朝賜諡忠烈

忠義傳

詹濤不知何處人隨州學正崇正十四年四月城陷與世

溱同時殉難

舊志

余塙字聿高池州銅陵人崇正乙亥拔貢十三年選隨州

判官時城經再陷邑里蕩然蒞州日賊騎已填溢四境  
塙度眾寡不敵謀卽以是夜乘不備火其營而賊已逼  
堂下索印塙厲聲叱之賊飛刃中塙塙仆一僕從後躍  
出拔所佩刀挺身與賊鬪死塙至死罵賊不絕口任事  
僅一日而慷慨殉義聞者傷之 補錄

黃章袞不知何處人以守備戍隨隨經再陷後城已削平  
章袞至收復殘黎得千有餘人激以大義卽南門樓基  
爲壘與安陸衛百戶朱蕃巡檢陳某誓同死守七日李  
自成至逼壘招降壘中無一應者自成力攻之不能拔

隨州志

卷二十一

名宦

四

遂擊以巨礮章袞蕃陳巡檢與千餘人俱殲焉明年春  
巡撫宋一鶴率師復隨州親祭於其死所 補錄

陳巡檢失其名亦不知何處人與黃章袞共守南門新壘  
死焉 補錄

舊志天啟而後至康熙五年以前有玉國甯剛方正直  
身居外治不憚朝貴愛惜士民嚴箴規絕苞苴庭清訟  
斷役靜園園梁文耀勤苦安職清介操持一衣冠數年  
不易李文詔文章標著愷悌旁流黃朝選優於政治明  
於科條片言折而姦頑警魂越訴懲而良善帖席陳昌  
謨愛土重民善政將敷相有度興學起衰強禦歛跡程  
文光建書院培學校設驛站清徵解離任日痛哭者遮  
境內程先達靜敬訓士琴鶴清操劉名世勤撫宇革陋  
習李度尙寬和切民瘼語焉不詳詹濤奈塙未嘗叙明  
其死難事黃章袞偶見兵事條內陳巡檢致失其名張

以謙并姓名不載此外宋世延於寇警曰先事豫防以安城社無一字及之幸附見徐公殉難錄中得為錄出崇正十五年盛世才當邑里蕩然後築城濬濠於匝月間感今一百四十餘年此豈常人所能亦不畧叙當日施功次第良足痛惜其時去明未遠不知何以遺漏至此

國朝

李鴻雷字仲默長山舉人順治三年知隨州時瘡痍未復鴻雷一意撫循立條編法以甦里役招來逃亡軍戶以實兵守三年升順德府同知舊志

左恩詔錦州人監生順治十七年隨州判官十八年隨大饑欲先發倉粟然後請吏以例爭恩詔乃自具印結質

隨州志

卷二十一

名宦

四

積穀三千石賑之民賴以生全上

王岱字山長湘潭人康熙五年舉人隨州學正師範嚴正工書畫詩有唐風隨當兵燹之後宮牆就圯岱集諸生議修築躬操畚鍤以督羣役故不時而竣遷京學教授再遷知海澄縣

盧崇義字昭斗奉天某旗人康熙十三年知隨州年尙未二十治事已如老吏時三方未靖徵餉之書絡繹旁午而隨當寇亂後人民離散崇義覈實均派民無重役之累與士大夫交和易謙退如身在諸生中也十八年升

開封府同知

黃鎮字緯真奉天某旗人由慶雲縣知縣擢知隨州始至  
吏以舊例茶果銀八百兩進鎮曰官甫履境而遽歛民  
財爲悅乎按戶還之閱糧籍見民戶散處輸納爲艱乃  
命戶額不一兩者許同甲大戶帶完吏按例以無羨爭  
曰吾意不在羨也盡除一切陋規及市肆官價民於其  
去作歌頌之

張鎔字子容蒲州人由進士知應山縣雍正二年署隨州  
持身以敬吏以其恂恂儒者意易之後見斷事如流始

隨州志

卷二十一

名宦

四

大畏服尤喜激揚流品時造貢生朱奇生廬坐論終日  
奇生貧甚月分奉餽之勸諸生以朱先生爲法諸生有  
過詣學嚴飭復諄諄誨勉徃徃流涕馭吏胥以法陋規  
私囑無敢啟齒者秋糧畢吏以餘米告曰下戶以儉計  
勢不能無取盈此數十石者年常有之鎔笑曰然顧我  
無需此念爾輩良苦卽分以自潤可也卒無籽粒私未  
期年去

吳崑字崎誠先世閩縣人以父知江油縣遂隸籍江油雍  
正七年拔貢知棗陽十二年署隨州重學校月兩課士

教以立身大義訟至立斷隨舊多積案詢知地遠遠召  
集爲難因事詣鄉卽其地召審民不出里閭而案結匪  
月後訟庭蕭然圉圉虛無人者三日遇隙地募民開墾  
種粟及木棉歲暮籍貧戶給以粟逾年以內艱去

王雲翔字言南新淦人雍正癸丑進士以漢陽同知攝隨  
州事留心教養凡訟獄差徭有妨農事者悉革之遷復  
學宮捐俸爲倡書學二王渾灑流傳人爭寶貴去任後  
隨人於其講學處建王公書院以祀之

金增江浦進士乾隆十七年知隨州肫誠慈惠才識深宏

隨州志

卷二十一

名宦

四

時集士講學創設膏火課其優劣每理獄訟必反覆開  
導令其自愧不以峻刻繩人字仿顏魯公圓勁有法

張璿字衡齋宛平舉人乾隆五十三四年知隨州政成訟  
簡四境晏然簿書之暇惟以文墨自娛字仿王趙求書  
者戶常履滿重修州志親加校讐一時者宿靡不傾倒  
詣鄉必以書自隨士民幾忘其爲官長

吳鵬字南池如臯人乾隆五十四年任吏目人品清高絕  
無衙官俗吏氣習書法蒼勁脫盡畦町知州張璿同時  
亦善書每自愧其不如寺刹題額幾遍惜亂後無一存



者

竇欲峻字松溪雲南羅平州人乾隆己酉拔貢由教諭保薦選授湖北興山知縣歷任鍾祥棗陽黃岡羅田黃梅襄陽等縣所至有聲道光四年補隨州振興文教創修書院考棚文昌宮自奉儉約實惠及民心至和易亦無敢干以私者六年升江蘇鎮江府後歷任福建鹽法道浙江督糧道杭嘉湖道卒崇祀襄陽名宦祠

趙振清字月波陝西同州進士歷任羅田孝感等縣道光十九年知隨州實心愛民耿介直樸折獄不施刑訊剖

隨州志

卷二十一

名宦

四七

決如神禁革陋規宵小斂跡月課諸生口授指畫獎勵尤切二十年十二月以憂解任二十一年四月卒於隨士民奠醊者以萬計

金雲門字菊仙安徽休甯人道光癸巳進士由崇陽知縣擢隨州牧潔已愛民聽斷明決尤愛培植士林月課諸生甲乙丹鉛如訓子弟增置賓興修築城垣隨人至今利賴之屢膺保薦升黃州太守闔家殉難入祀昭忠祠楊嘉運號石麟順天涿州人援例任棗陽知縣潔已愛民頗著循聲擢隨州牧政舉其大不屑屑以聽斷見長粵

匪初至武昌公卽督練鄉團爲守禦備咸豐二年豫捻滋擾土匪竊發公親擒勦境內以安四年粵匪竄德安公訊明監犯情重者立正典刑親赴四鄉督集團勇不意賊徑抵隨城防禦不及深以爲恨踰月賊仍由州西回竄潯潭公卽帶領練勇馳赴九里岡迎擊衆寡不敵馬蹶被創奉 旨賜恤州人祠祀之

陳希武西蜀人由庠生以軍功任祝林總州同強幹多膂力嘉慶癸酉甲戌境內奇荒盜賊蜂起希武親督弓兵日夜隄防地方獲安署後建奎文閣時與文人遊詠其

隨州志

卷二十一 名宦

四

上在任十八年遷當陽令卒於官士民思其德祠祀於其署左

程彥字十泉徽之歙縣人以國學生肄業成均道光丁未選授祝林總州同署冷官間蕭然物外按月課境內生童文理優長者親書摺扇對聯以示獎勵尤留心風化採嘉慶初年殉難男婦著爲節烈錄梓以行世時人以未竟其用爲惜

魏正清字叙樂江夏人由行伍任小林店千總咸豐癸丑甲寅豫匪臨境正清號召隨北一帶鄉勇萬餘人在汎

輪流防禦弔死問疾與士卒同甘苦擒匪不敢南下正清之力也旋陞德安營守備祖饒者數千人

劉尙烈號虎臣穀城人山行伍任隨州把總性情戇直有伉爽氣居平約束士卒交接不苟咸豐二年調戍鄂垣慨然曰國家有急武夫能安居哉即日投袂去後殉難

隨州志

卷二十一

名宦

四